

项脊轩志^⑧

归有光

项脊轩，旧^⑨南阁子也。室仅方丈^⑩，可容一人居。百年老屋，尘泥渗漉^⑪，雨泽下注；每移案，顾视无可置者^⑫。又北向，不能得日，日过午已昏。余稍为修葺，使不上漏。前^⑬辟四窗，垣墙周庭，以当南日^⑭，日影反照，室始洞然^⑮。又杂植兰桂竹木于庭，旧时栏楯^⑯，亦遂增胜^⑰。借书满架，偃仰^⑱啸歌^⑲，冥然兀坐^⑳，万籁有声；而庭阶寂寂，小鸟时来啄食，人至不去。三五之夜，明月半墙，桂影斑驳，风移影动，珊珊^㉑可爱。

然余居于此，多可喜，亦多可悲。先是^㉒庭中通南北为一。迨诸父异爨^㉓，内外多置小门墙，往往而是^㉔。东犬西吠^㉕，客逾庖而宴^㉖，鸡栖于厅。庭中始为篱，已^㉗为墙，凡再变矣。家有

⑧ 选自《震川先生集》卷十七（上海古籍出版社1981年版）。有删节。项脊轩，归有光的书斋名。作者祖上居于昆山项脊泾，故名。志，一种文体。归有光（1507—1571），字熙甫，号震川，昆山（今属江苏）人，后徙居嘉定（今属上海），世称震川先生，明代散文家。

⑨ 〔旧〕旧日的，原来的。

⑩ 〔方丈〕一丈见方。

⑪ 〔渗漉〕渗漏。

⑫ 〔无可置者〕没有可以挪置（桌案）的地方。

⑬ 〔前〕指阁子北面，因这阁子是“北向”的。

⑭ 〔垣墙周庭，以当南日〕四周围绕院子砌上墙，用（北墙）对着南边射来的日光（使其反照室内）。垣墙，用作动词，砌上垣墙。垣，矮墙，也泛指墙。

⑮ 〔洞然〕明亮的样子。

⑯ 〔栏楯（shǔn）〕栏杆。

⑰ 〔增胜〕增加光彩。胜，美。

⑱ 〔偃仰〕俯仰，这里指安居、休息。

⑲ 〔啸歌〕长啸歌吟。

⑳ 〔冥然兀坐〕静静地独自端坐。

㉑ 〔三五之夜〕农历每月十五的夜晚。

㉒ 〔珊珊〕树影摇动的样子。

㉓ 〔先是〕在此以前。

㉔ 〔迨（dài）诸父异爨（cuàn）〕等到伯、叔分家。迨，等到。诸父，伯父、叔父的统称。异爨，分灶做饭，意思是分家。

㉕ 〔往往而是〕到处都是。

㉖ 〔东犬西吠〕东家的狗（听到西家的声音）就对着西家叫。

㉗ 〔逾庖而宴〕越过厨房去吃饭。因为多置小门墙，所以宴客的时候客人要经过厨房。

㉘ 〔已〕不久后。

老嫗，嘗居于此。嫗，先大母^①婢也，乳二世^②，先妣撫^③之甚厚。室西連于中閤^④，先妣嘗一至。嫗每謂余曰：“某所，而母立于茲^⑤。”嫗又曰：“汝姊在吾懷，呱呱而泣；娘以指叩門扉曰：‘兒寒乎？欲食乎？’吾從板外相為應答。”語未畢，余泣，嫗亦泣。余自束髮讀書軒中，一日，大母過余^⑥曰：“吾兒，久不見若影，何竟日默默在此，大类^⑦女郎也？”比去^⑧，以手闔^⑨門，自語曰：“吾家讀書久不效^⑩，兒之成，則可待乎！”頃之，持一象笏^⑪至，曰：“此吾祖太常公^⑫宣德間執此以朝，他日汝當用之！”瞻顧遺迹^⑬，如在昨日，令人長號不自禁。

軒東故嘗為廚，人往，從軒前過。余扃牖^⑭而居，久之，能以足音辨人。軒凡四遭火，得不焚，殆^⑮有神護者。

.....

余既為此志^⑯，後五年，吾妻來歸^⑰，時至軒中，從余問古事，或凭几學書^⑱。吾妻歸寧^⑲，述諸小妹語^⑳曰：“聞姊家有閣子，且^㉑何謂閣子也？”其後六年，吾妻死，室壞不修。其後二年，余久臥病無聊，乃使人復葺南閣子，其制^㉒稍異於前。然自後余多在外，不常居。

庭有枇杷樹，吾妻死之年所手植也，今已亭亭如蓋^㉓矣。

①〔先大母〕去世的祖母。下文的“先妣”，指去世的母亲。

②〔乳二世〕给父亲和自己两代人喂过奶。乳，喂奶、哺育。

③〔抚〕爱护。这里是“对待”的意思。

④〔中閤〕内室。

⑤〔而母立于兹〕你的母亲（曾经）站在这儿。而，你的。

⑥〔过余〕到我（这里来）。意思是来看我。

⑦〔大类〕很像。

⑧〔比去〕等到离开的时候。

⑨〔闔（hé）〕关闭。

⑩〔不效〕没有效果。这里指科举上无所成就。

⑪〔象笏（hù）〕象牙制的手板。古代品级较高的官员朝见君主时执笏，供指画和记事。笏多以象牙、玉制成。

⑫〔太常公〕归有光祖母的祖父夏昶（chǎng），在明宣德年间曾任太常寺卿。

⑬〔瞻顾遗迹〕瞻视回顾先人留下的旧物。

⑭〔扃（jiōng）牖〕关上窗户。扃，关闭。

⑮〔殆〕恐怕，可能。

⑯〔余既为此志〕我已经作了这篇志。此志，指本篇中这一句之上的内容，从这一句以下是后来补写的。

⑰〔来归〕指嫁到我家来。

⑱〔书〕写字。

⑲〔归宁〕出嫁的女子回娘家省亲。

⑳〔述诸小妹语〕（回我家后）转述她小妹们的话。

㉑〔且〕助词，用于句首。这里有“那么”的意思。

㉒〔制〕形制，规制。

㉓〔盖〕伞盖。